

լովքն հանդերձ : Կուսակալն խոստացաւ 'ի վերադարձին իւրում առնել դատաստան, և քննել զայն օրինօք դատարանի : Իբրեւ դարձաւ 'ի Քերթովէ 'ի բանակն, կազմեցաւ ժողով 'ի վրան Քեահեայ Պէյին, ուր էին Դատաւորն եւ գլխաւորք այլազգեաց Երուսաղէմի : Կոչեցին անդ զՀայս և զԼատինս, և յետ բազմադիմի բանից և անութեանց յերկուց կողմանց, հարցին Դատաւորք ցլատինս, թէ ունի՞ն Արքունի հրովարտակ վասն բացման դրան այնորիկ, թէ պէտ ասէին ունել, բայց ոչ կարացին բերել, զի ոչ ունէին : տեսեալ Դատաւորաց թէ առանց Արքունի հրամանի բացեալ է դուռն եւ լեալ պատճառ խռովութեան 'ի մէջ երկուց ազգաց, հատին վճիռ զի Հէօճէթի Շէրիով փակեսցի դուռն քարամբք, եւ Լատինք մտցեն և ելցեն 'ի յատկացեալ դրանէ իւրեանց որ 'ի մէջ Այրին, մինչեւ եկեսցէ Արքունի հրովարտակն : Եւ Կուսակալն առաքեաց զԲաղաքապետն Երուսաղէմի եւ Դատաւորն, զՔեահեայն իւր ընդ Հայոց 'ի Բեթղեհէմ : հասեալ անդ մտին յեկեղեցին, խնդրեցին զբանալի դրան 'ի Լատինաց : Իբրեւ ոչ ետուն նոքա պատճառելով զպատճառս՝ քահեալ հանին զդուռն 'ի տեղւոջէ իւրմէ, եւ տարեալ ընկեցին զնա 'ի վանս նոցին, եւ արկեալ քարինս հիւսեցին զոտղի դրան և ծեփեցին յերկուց կողմանց, (1819 . 'ի 16 Ապրիլի) յաւուր նոր Կիւրակէի՝ և դարձան յԵրուսաղէմ : Իսկ Կուսակալն առեալ զԻլամ Դատաւորին եւ զհանրագիրս այլազգեաց՝ առաքեաց 'ի Կոստանդինուպօլիս առ գործակատար իւր, զի ըստ մտաց նոցին շնորհեսցի Հայոց հրովարտակ արքունուստ : Եւ Խորհրդականք վանաց Ս . Յակոբայ գրեալ յայտ արարին առ Պօղոս Պատրիարք և առ Իշխանաւորս ազգին, զոր միանգամ արար Կուսակալն, և մեծահայց սաղատանօք աղաչէին զնոսա հոգ տանել վասն հրովարտակին և փութացուցանել զնա յԵրուսաղէմ : զի փակեալ մնացէ դուռն, և մի թշնամիք կանխեալ այլ և այլ բանիւք ծանուցեն զայն 'ի Դուռն : Իսկ Կուսակալն յորժամ դարձաւ 'ի Դամասկոս՝ գրեաց առ Դատաւորն Երուսաղէմի, զի ըստ որոշման ժողովոյն փակեալ մնացէ դուռն մինչ 'ի դալուստ հրովարտակին : զայս գիր առեալ Յակոբ վարդապետի դիմեաց առ Բղեչյան Աքքէի Սիւլէյման Փա-